


臨江縣志

靜庵書



地420.77
42
1-6



臨江縣志

卷首

序

凡例

編修館人員題名錄

照片


圖

目錄

臨江縣志

卷首

臨江縣文齋印刷所印



江蘇志

康德二年仲春
孝甫



縣有志書 可補史乘 政治沿革
人事廢典 紀行彙粹 取精用弘
賢者令尹 創始孰成 繼示以後
文獻足徵

省長王亦棟題



臨江縣志序

滿洲國肇建之三年臨江縣長劉君維法以
所修縣志既告歲事請序於余。維修史
之難無出於志先哲已屢言之然縣之有志
由來舊矣或付闕如大雅引為遺憾蓋縣
志所以徵地理之沿革人事之變遷且所以
究政教興衰事業消長風俗隆替之故其
闡繫之重可知故自宋時蔡氏旣南有黃
岩志之作歷代相因迄於今茲為縣蓋皆
以修志為要務而地方視民之官下車伊始

臨江縣志

卷首 序

一

始取熟察耆地情狀及利弊得失之所在又
結之於志書三政志為臨邑地處邊陲人
口雖未稠密經濟及文化雖不甚發達然面
江負山形勢險要其設治亦既有年向所謂
地理之沿革人事之變遷與夫政教興衰事
業消長風俗隆替之故設不有志書以詳載
之其何以証事實示來茲而資求治者之考
鏡乎縣長劉君知縣志之不易修也迺亟
延邑中耆舊及文秀之士相與廣為採訪
勤為考訂以期擇精語詳俾是信今傳

後可謂賢歟余樂其書之成爰復敘語
以嘉之且為斯邑之士君子告焉
康熙二年五月臧式毅序

臨江縣志

卷首 序

二

臨江藝文齋印刷所印

臨江縣志題詞

述古采新

韋煥章

臨江縣志

卷首序

三

臨江藝文齋印刷所印

臨江縣志序

劉君維清宰臨江之明年以所創編臨江縣志告成乞余一言爲之序
余固未覩斯志內容之何若也將烏從而序之顧聞劉君治臨江政績
丕著亟亟然以文獻無徵爲慮設館專修歷年而始脫稿其搜集之宏
富纂記之詳明哀然蔚爲一縣文獻之鉅製固可懸揣而必之也雖然
古今時勢不同脩縣志者秉筆之所注視亦古今而各有異在昔視縣
志爲一縣之史屬詞比事竊取於春秋記其事足以明其義而已足故
略於今而獨詳於古比比然矣當今之世庶政繁興百端待舉犖犖者
蓋若治安實業教育財政交通諸大端刻刻在努力邁進之途而必於
是焉探其要鈎其元以爲臨民發政之龜鑑故謂縣志爲一縣之信史
臨江縣志

卷首 序

六

臨江縣志文齋印刷所印

無寧謂縣志爲一縣之統計爲尤親切而實用然則今之修志雖不必
略於古豈可不詳於今乎劉君爲賢縣長其治臨江奕然以休明庶政
爲職念則斯志之成凡關於正德利用厚生諸要政當必詳載靡遺其
有裨益於縣政之進行厥功甚偉蓋不徒供夫徵文考獻者之展玩慨
慕焉已也謹書數語以報之且嘉其志云

康德二年一月十五日安東省公署教育廳長孫文敷謹識

臨江縣志序

江文通曰史莫難於志洵以史載傳記體裁率有定制據事直書斯稱良史志獨不然必先識其奧旨權其輕重取精用宏務求恆心貴當難於著筆固不待言爰余更爲進一解曰編纂郡縣志乘爲尤難甚至志矣若夫主輯縣志者首須延攬里閭才雋洞悉各具所長斟酌付託或任主輯或任協修或任采訪或任校訂分門別類廣事蒐羅然後彙集所獲詳加審覈量予增刪修補幾經考察始有端倪而全縣之天時節候疆界河山武功文事禮俗政績產業宗教藝苑節孝名宦鄉賢諸端於是粲然美備顧將事之初綱目浩繁欲期掌故翔實立言得體其難臨江縣志

卷首 序

七

臨江縣志文齋印刷所印

於治術奚啻倍蓰臨江地毗隣封夙號東邊重鎮民風古樸物產豐饒建國以還邦交益篤國境要衝愈應重視惟志乘失修文獻無徵末由採風問俗識者憾焉吾師劉公紹先遂於考据久播令譽初蒞縣長任時卽以編纂縣志爲急務當邀邑內知名諸君子竭慮殫精分任纂輯現竟成功其脫稿之速令人驚嘆不置余客冬奉檄來安職司新省實業喜近吾

師不時親教且嘗聞其治績私衷愉快非可言喻茲復獲覘此舉想見汲汲求治之餘仍致力於纂志政躬勞瘁略未顧及以後權縣篆者旣免無軌可尋而邑之賢孝潛德不致湮沒不彰誠一舉備兼數善臨民何幸胡竟遇此賢宰官耶至縣志中之宏文傑構吾

師聞望久已昭昭在人耳目游夏未遑贊一辭也是爲序
康德二年春莫安東省公署實業廳廳長范垂紳謹識

臨江縣志

卷首 序

八

臨江縣文書印刷所印

臨江縣志序

縣政經緯萬端是以握縣篆者必先考其政教禮俗土質土宜典章文物山川名勝兵防警備俾期鑒諸往者興替隆污因革損益以資去故就新使疏者以密闕者以完爲施政之張本孔子曰文獻足則吾能徵蓋一縣之文獻視乎志苟無志書輒求治者將何所徵志之重且要也如此臨江縣自清光緒二十八年設治以來迄今已逾數十年乃縣志尙付闕如誠憾事也雖經張公克湘等歷任倡修或以中途去職或以經費無著或以人材難聘或以脫稿被焚屢致中止迨經董前縣長敏舒蒞任復行倡修稿甫及半即經事變盡付劫灰大同元年七月間維清奉

臨江縣志

卷首 序

九

臨江縣文齋印刷所印

命來宰是邑適值灰燼之餘匪患未清居民流離剝撫補救爲當務之急擘畫籌策日無暇晷閱六月之久縣境稍告安靖斯時諸政待理苦無志書何所徵稽乃斐然欲作遂於大同二年六月關聘本邑及客籍耆紳宿儒設專館以任其事當聘邑紳張之言爲館長開原羅寶書爲主輯邑儒曲銘郭殿翰兩先生分任編輯之勞不意十月間未竟全功羅君即行作古復聘邑儒邱在官爲主輯經十六閱月方全脫稿是書出自草創兼以時局不靖搜采或有未備自難辭簡略疏陋之譏不過大輅椎輪開之先聲後有作者將發揮而光大之增加而刪芟之是爲深幸焉刻成諸君復以弁言爲請因泚筆述其崖略如此

大滿洲帝國康德元年十一月臨江縣縣長劉維清謹誌

臨江縣志序

縣之有志猶國之有史所以志往事而取信於後世也臨江向無志書迨民國十五年秋知縣張克湘奉令編修縣志擬於一年完成嗣以解職無形停頓歷經袁張董等三縣長之過從六七載之光陰特以籌備失當責成不專任事者多數衍塞責終未產出誠憾事也壬申秋縣長劉公以經綸幹濟之才接篆於事變之後公餘之暇毅然以修縣志爲急務限以六個月完成之言不才蒙委館長之職汲深綆短時虞弗勝加以經費支絀期限短促欲合一縣之人事地理並數十年之沿革變遷條分縷晰一朝而成巨帙斯已難矣惟幸縣長劉公實心提倡獎勵有方主輯羅君深於斯道督飭編修曲郭二君朝夕鉛青爲時五閱月

臨江縣志

卷首 序

十

臨江縣文書印刷所印

未竟全功而羅君作古復聘邱君在官繼任主輯十六閱月費款一千五百餘元而數年未成之志書於焉蕙事雖東鱗西爪未臻完善而挈領提綱大體粗具按圖索驥凡臨江之人事政治山川物產兵防警備諸大端不待旁搜遠探已瞭然於一覽之中對於將來之設施已往之追求未必無小補焉惟臨江設治最晚遠乏足徵之文獻近無可採之風詩欲免疏淺謏陋之誚難矣深望後之君子踵此粗成之跡繼長增高有以補其偏而救其弊俾此志益臻完備是之言殷殷所企望者也

是爲序

康德元年十一月財務局長兼縣志編修館館長張之言謹識

序

竊讀兩漢循吏傳輒私心嚮往每太息古今人之不相及顧今之世安
所得郭細侯朱神君賢令尹耶大同二年秋于役臨江則聞邑之四民
婦孺咸稱劉侯爲賢父母誌曩從學劉公門下已深景仰道德文章及
進忝屬末始知公不獨學行冠一時即從政亦復慈愛廉明謳歌百里
所謂郭細侯朱神君其人者向欲見而不得見今乃見之矣公治臨之
明年百廢俱舉諸政刷新有鑒於臨江自設治迄今歷數十稔而縣志
仍付闕如遂毅然從事編輯籌資設館禮聘耆宿詳採博攷鉅細靡遺
經營數月竟克脫稿公尙虞主輯者百密不無一疏每日政務之餘不
事休息躬自校訂幾至廢寢忘餐亦可見公之貞心毅力矣縣令爲親

臨江縣志

卷首 序

十一

臨江縣文齋印刷所印

民之官民生休戚地方利弊長吏或不知縣令必盡知之俾審時度勢
斟酌損益以日求無負斯民則斯志告成不獨記載風土人文直治譜
耳儻後之官是地者分類以求則而效之安知斯志不卽可爲後之師
耶是公造福利於臨民者匪淺示規模於後來者遠大也方之王儉七
志無多讓焉至文墨之豐贍富麗自有定評非游夏所能贊其創修始
末及經過事實已載公自序中無須贅述也志將付梓題序多當代名
流鉅公誌根抵淺薄何敢妄言惟公之苦心孤詣豈可默而不彰因不
避粗疏謹爲之序

康德二年孟春臨江縣內務局長佟

諲謹序

臨江縣志序

語云非有馬班之才學識不足以作志乘吁此言迂矣蓋志誌也以文字實誌其事文直事確信而有徵而已兩漢之後馬班之才不世出而志書之記載又爲時遷事變之要政必待其人而後行無怪志書之罕見政治家之無自參考也吾臨邑設治三十年有奇矣向無志書之著述自民國十五年知縣張公奉省令編修志書在官亦濫竽編輯之數工未及半而不慎於火付之焚如嗣後縣長董公聘賢編輯二載之久稿未完竣又付劫灰大同元年秋劉公紹先來治斯邑卽以編修縣志爲要務籌設專館委內務局長張君之言兼編修館長招集全縣各機關法團人士分任其事特聘羅君志香主編修任並函知各區村機關臨江縣志

卷首 序

十二

臨江縣文書印刷所印

廣搜博採務求詳備不意羅君因病捐館乃函致

在官

由嶺西而來承

羅君之乏

在官

才疎學陋知識謏薄何克當此幸蒙縣長悉心糾正囑

以務要文體明潔事實確鑿不愧縣志爲宗旨是以事稍無藉詞涉虛譽概皆不錄但時間短促文獻無徵對於撰述不無簡略對於文體或近俚俗難免識者之譏深望後之君子本此初成之基藉作續修之資俾斯志精確詳備與信史相媲美是

在官

所深望也是爲序

康德元年十二月繼任主輯邱在官謹序

臨江縣志序

臨江縣志創修於民十五年秋知縣張克湘開館編輯聘縣署秘書張成志爲館長一科科長爲總編修其下編修六人銘居其末朝夕鉛青爲時已八閱月焉嗣因張公解職無形停頓而區區之稿於十六年冬又遭焚如此臨江縣志所以落於鄰縣之後也幸大同元年秋縣長劉公蒞任是邦以通淹博雅之才於勵精圖治之餘雷厲風行開館重修銘也不才仍居編修之列以衰殘之年空疏之腹而膺此重任亦惟隨諸君子之後勉爲其難而已夫修志豈易事哉必才學識三者兼全始克臻完善而取信後世如司馬子長之史記班孟堅之地理志宋儒猶指其瑕而譏之况後人哉况銘也哉銘自受任以來汲深綆短時虞隕

臨江縣志

卷首 序

十三

臨江縣志文齋印刷所印

越惟幸主輯羅君深於斯道編修郭君才識兼備繼任主輯邱君尤學識優長銘得朝夕就正借錯他山濫竽於始附驥於終是一生之最幸事也夫志爲史之一種重事實不重文字若略事實專求文字之工整則失修志之真諦矣臨江設治最晚昔日人事之變遷政治之改革多無文獻可考茲特取其信而有徵者筆之於編創成粗略之跡以備宰斯邦者置一編於左右於一縣之政治人事地理禮俗以及數十年來之因革損益諸大端均可得其要領按圖索驥於縣政之設施未必無小補焉尤願後之君子就此粗成之跡續而修之俾質勝於文以免謗陋之譏銘之所切望也是爲序

康德元年十二月編輯曲 銘謹識

臨江縣志序

志爲史之一種周禮大司徒掌天下土地之圖小史外史掌邦國四方之志是爲志之濫觴若縣之有志始於宋之嘉定蔡範甫撰黃岩志十六卷李瞻撰旌川志八卷雖體例有詳略文字有雅俗皆所以志一縣之人事天文地理彙集成編傳之後世俾考察縣政者有所遵循甚矣縣志之不可不作也臨江自設治以來記事之書素稱闕如民國十九年縣長董公設館修志殿翰奉召來臨朝夕編輯越二年旋經事變已脫之稿盡付劫灰大同元年秋縣長劉公來治是邦以幹練之才淵深之學常以臨江無志爲憾事越明年六月毅然以修縣志爲急務創設專館雷厲風行限以六箇月完成翰也不才仍居編修之列與曲君松

臨江縣志

卷首 序

十四

臨江縣文齋印刷所印

菴朝夕鉛青嗣以羅君作古邱君繼任經十六閱月方全脫稿據一縣之事修一縣之志提綱挈領據實直書舉凡天時人事地理政治山川形勢交通物產社會狀況風俗淳澆諸大端莫不條分縷晰瞭如指掌其事屬傳聞無實跡可考者皆屏棄不載似可謂之志矣惟文獻無徵事實不無簡略難免貽譏於大雅但樓臺之高基於尺寸江河之大始於涓滴深願後之君子續修斯志增加之筆削之發輝而光大之是爰

爰者或有尺寸涓滴之益歟是爲序
康德元年十二月編輯郭殿翰謹識

凡例

一 臨江縣志於民國十五年暨十七年兩次編修嗣縣署因罹火災原稿被燬無餘至十九二十兩年復經重編旋遭事變已脫之稿盡付劫灰迄滿元七月間劉維清縣長履新後重新開館從事丹鉛成爲巨帙凡輿地政治交通物產人物等八卷

一 輿地志內關於沿革由黃帝迄近代於各朝代下釋以屬於某州某府等字樣並於其左繫以註解及簡明表更於其後附以沿革志略以清眉目而邊界幅員地勢城鎮山脉河流等項均經逐一編載至星野無稽之說概行從略

一 關於縣境里數宜按我國新頒度數記載但以習慣關係仍以華里爲標準

一 古代建築物迄今未得一覩茲編所載僅就近今所有之城池衙署局所兵防等詳爲述之

一 臨江設治伊始几百政治均極簡略近數年來地面稍靖人煙漸稠而政治亦漸繁冗故政治志內往昔多略近今較詳迄滿洲帝國成立刷新政治歷次改組亦均逐項載明之

一 臨江設治較晚五方雜處良莠難分近來人事益繁禮俗不甚一致故禮俗記載簡略不詳

一 縣內人物雖無世族而鄉賢薦紳義勇義舉堪稱述者均按實紀載用作模範至制科一項雖無科舉尙有大學畢業得有學位者